

www.banglainternet.com

represents

KAZI NAZRUL ISLAM
BONOGEETI

ভারতের অন্যতম শ্রেষ্ঠ সংগীত কলা-বিদ
আমার গানের ওস্তাদ
জমীরউদ্দিন খান সাহেবের

দস্ত মোবারকে -

তুমি বাদশাহ্ গানের তব্বতে তখত্ নশীন,
সুর-সায়গীর দীওয়ানা মজনু প্রেম-রসিন।
কণ্ঠে তোমার শ্রোতৃস্বতীর উছল-গীতি,
বিহগ-কাকলি, গন্ধকর্ব-লোকের স্মৃতি।
সাগরে জোয়ার সম তব তান শান্ত উদার,
হৃদয়ের বেলাভূমে নিশিদিন ধ্বনি শুনি তার।
খেলায় তোমার সুরগুলি পোষা পাখির মত
মুক্ত-পক্ষ চঞ্চল-গতি লীলা-রত ॥
বীণার বেদনা বেণুর আকৃতি তোমার সুরে,
ব্যথা-হত ভোলে ব্যথা তার, সুখী ব্যথায় ঝুরে।
সুর-শা'জাদীর প্রেমিক পাগল হে শুণী তুমি,
মোর 'বন-গীতি' নজরানা দিয়া দস্ত চুমি।

কলিকতা

১লা আধিন
১৩৩৯

নজরুল ইসলাম

ভালোবাসার ছলে আমায়
 কে নিবি ফুল কে নিবি ফুল
 পেয়ে আমি হারিয়েছি গো
 সখি বাঁধো লো বাঁধো লো ঝুলনিয়া
 যার চুলে চুলে এলোচুলে
 যমুনা-সিনানে চলে
 নদীর নাম সেই অঞ্জনা
 আলগা কর গো খোঁপার বাঁধন
 পথ-ভোলা কোন্ রাখাল ছেলে
 কোকিল, সাধিলি কি বাদ
 পান্বে জোছনাতে কে
 স্বল্‌মল্‌ জরিন্‌ বেণী
 কোন্ বন হতে করেছ চুরি
 নিশীথ হয়ে আসে ভোর
 কেমনে কহি প্রিয়
 নমঃ নমঃ নমো বাঙলা দেশ মম
 প্রিয় যাই যাই বলো না
 ভোল লাজ ভোল গ্লানি জননী
 রুম্‌ রুম্‌ বুম্‌
 পদ্মদিঘির ধারে ঐ
 দিতে এলে ফুল, হে প্রিয়,
 কে এলে মোর চির-চেনা অতিথি
 দোলে নিতি নব রূপের ঢেউ-পাথার
 এলে কি বঁধু ফুল-ভবনে
 হে বিধাতা ! দুখে শোক মাঝে তোমারি পরশ রাজে
 পাষাণের ভাঙালে ঘুম কে ভুমি সোনার ছোঁওয়ায়
 বলো না বলো না ওলো সেই
 মরম-কথা গেল সেই মরমে মরে

বাংলাইন্টারনেট

চল মন আনন্দ ধাম
এস হৃদি-রাস-মন্দিরে এস
আমার সবদি হরেছ হরি
যমুনা-কূলে মধুর মধুর মুগ্ধী সখি বাজিল
কুসুম-সুকুমার শ্যামল তনু
বোধায় তুই গুঁড়িস্ ভগবান
কৈঁদে যায় দক্ষিণ হাওয়া
মেরো না আমারে আর নয়ন-বাণে
হেলে দুলে নীর-ভরণে ও কে যায়
বনে গোর ফুটেছে হেনা চামেলি যুবী বেগি
ও দুখের বন্ধুরে, ছেড়ে কোথায় গেলি
আমি ডুরি-ছেঁড়া গুঁড়ির মতন
তুমি ফুল আমি সুতো
মন নিয়ে আমি লুকোচুরি-খেলা খেলি খিয়ে
ভালোবাসায় বাঁধব বান্দা
মোর মন ছুটে যায় স্বপ্নের যুগে
চিরদিন কাহারো সমান নাহি যায়
দেখে যা ভেরা নদীয়ায়
কালা এত ভাল কি হে কদম্ব গাছের তলা
জবাবকুসুম-সঙ্কশ ঐ অক্ষবোধয়
মাধব বংশীধারী বনওয়ারী গোষ্ঠ-চারী
আমার কালো মেয়ের পায়ের তলায়
শ্যামা তুই বেদেনীর মেয়ে
জয় বাণী বিদ্যাদায়িনী
রোদনে তোর বোধন বাজে
তুমি দুখের বেশে এলে বলে
ওহে রাখাল রাজ !
ধান ধরি কিসে হে গুরু
আর লুকবি কোথায় মা কালী
আমি ভাই ফ্যাপা বাউল
ও মা ফিরে এলে কানাই মোদের
পথে পথে কে বাজিয়ে চলে বাঁশি
ও মন চল অকুল পানে

এস শুরঙ্গীধারী বৃন্দাবন-চারী
নৃপুংগ মধুর কনুবানু বোলে
হে গোবিন্দ ও অরবিন্দ
ফিরে আয় ভাই গোষ্ঠে কানাই
সুন্দর বেশে মৃত্যু আমার
রাখ রাখ রাখা পায়
মোরো সেই রূপে দেখা দাও হে হরি
হৃদয়-সরসী দুলালে পয়শি
রাখ এ মিনতি ত্রিভুবন-পতি
প্রণামি তোমায় বন-দেবতা

শ্রেয়স্কবি
জীবনসঙ্গ
শ্রীকৃষ্ণ

বাজারনেট.কম

ভালোবাসার ছলে আমায়
 তোমার নামে গান গাওয়ালে ।
 চাঁদের মতন সুদূর থেকে
 সাগরে মোর দোল খাওয়ালে ॥

কখনে মোর ফুল ফুটিয়ে
 উড়ে গেলে গানের পাখী,
 যুগে যুগে আমায় ভুমি
 এমনি করে পথ চাওয়ালে ॥

আঁকি তোমার কতই ছবি
 তোমায় কতই নামে ডাকি,
 পালিয়ে বেড়াও, তাই ত তোমায়
 রেখার সুরে ধরে রাখি ।

মানসী মোর । কোথায় কবে
 আমার ঘরের বধু হবে,
 লোক হাতে গো লোকান্তরে
 সেই আশে তরী বাওয়ালে ॥

কে নিবি ফুল কে নিবি ফুল ।
 টগর মুঁখি বেলা মালতী
 টাণা গোলাব বকুল ।
 নার্পিস ইরাণী গুল ॥

আমার যৌবন-বাগানে
 হাওয়া লেপেছে ফুল জাগ'নে,
 চ'লে যেতে চ'লে পড়ি,
 খুলে পড়ে এলো চুল ॥
 ওন্দু মন আবুল, আঁখি তুলু চুল ॥
 ফুটেছে এত ফুল, ফুল-মালি কই,
 গাঁথিবে মালা ক'বে সেই আশে রই,
 সে মংলা দিব করে ভেবে সারা হই,
 সহিতে পারি না এ ফুল-ঝামেলা
 চামেলা পারুল ॥

পেয়ে আমি হারিয়েছি গো
 আমার বুকের হারামণি ।
 গানের প্রদীপ জ্বলে ডারেই
 বুঁতে ফিরি দিন-রজনী ॥

সে ছিল গো মধ্যমণি
 আমার মনের মণি-মধ্যায়,
 রেখেছিলাম লুকিয়ে তার
 মাণিক যেমন রাখে ফণী ॥

স্নিগ্ধ জ্যোতিঃ নিয়ে সে মোর
 এসেছিল দক্ষ বুকে,
 অসীম আঁধার হাত'ড়ে ফিরি
 খুঁজি তারি রূপ লাভণী ॥

হারিয়ে যে যায় হায় কেন সে
 যায় হৃদিয়ে চিরতরে,
 মিলন-বেলাভূমে বাজে
 বিরহেই রোদন-ধ্বনি ॥

সখি বাঁধে লো বাঁধে লো যুক্তনিয়া ।
নামিল মেঘলা মোর বাদরিয়া ॥
চল কদম তমাল তলে গাহি কাজরিয়া
চল লো গোরী শ্যামলিয়া ॥

বাদল-পরীয়া নাচে গগন-আঙিনায়,
ঝামঝম্ বৃষ্টি-নুপুর পায়
শোনো ঝামঝম বৃষ্টি-নুপুর পায় ।
এ হিয়া মেঘ হেরিয়া ওঠে মাতিয়া ॥

মেঘ-বেগীতে বেঁধে বিজলী-জরীণ ফিতা
গাহিব দু'লে দু'লে শাওন-গীতি কবিতা,
ওনিব বঁধুর বাঁশী বন-হরিণী চকিতা,
দয়িত-বুকে হব বাদল-রাতে দয়িতা ।

পর মেঘ-নীল শাড়ি^১ ধানী-রঙের চুনরিয়া,
কাজলে মাজি^২ লহ আঁখিয়া ॥

যায় চু'লে চু'লে এলোচুলে
কে বিষাদিনী ।
তার চোখে চেয়ে মান হয়ে
যায় গো চাঁদিনী ॥

তার সোনার অঙ্গ অনাদরে
হয়েছে কালি,
হায় ধূলায় লুটায় নবীন ফোঁবন
ফুলের ডালি,
কেন মদির আঁখির^৩ খেয়েছে তীর
বন-হরিণী ॥

তার চটুল চরণ নাচত যেন
মোটন-কপোতী,
মরুর বুকে ফুল ফোঁটাত
তার দোদুল গতি,
আজ ধীরে সে যায় যেন শীতের
মৃদুল তটিনী ॥

যমুনা-দিনানে চলে

তব্বী মরাল-গামিনী ।

লুটায় লুটায় পড়ে

পায়ে বকুল কামিনী ॥

মধু বায়ে অঞ্চল

দোলে অতি চঞ্চল,

কালো কেশে আলো মেখে

খেলিছে মেঘ দামিনী ॥

ভাহারি পরশ চাহি'

ভটিনী চলেছে বাহি',

তনুগ প্রীর্ষে তারি

আসে দিবা ও যামিনী ॥

নদীর নাম সেই অঞ্জনা

নাচে তীরে খঞ্জনা,

পাখী সে নয় নাচে কালো আঁখি ।

আমি যাব না আর অঞ্জনাতে

জল নিতে সখি লো,

ঐ আঁখি কিছু রাখিবে না বাকী ॥

সেদিন তুলুঙে গেলাম

দুপুর বেলা

কলমী শাক ঢোলা ঢোলা

হ'ল না আর সখি লো শাক ভোলা,

আমার মনে পড়িল' সখি,

ঢলঢল তার চটুল আঁখি,

ব্যথায় ভরে উঠলো বুকোর তলা ।

ঘরে' ফেরার পথে দেখি,

নীল শালুক সুঁদি ওকি ফুটে আছে

ঝিলের গহীন জলে ।

আমার অমনি পড়িল মনে

সেই ডাপর আঁখি লো,

ঝিলের জলে চোখের জলে

হলো মাখামাখি ॥

আলুগা কর গো খোঁপার বঁধন
দীল্ ওঁহি মেরা ফস্ গয়ি ।
বিনোদ বেণীর জরীণ্ ফিতায়
আস্কা এশ্ক্ মেরা কস্ গয়ি ॥

তোমার কেশের গন্ধে কখন
লুকায়ে আসিল লোভী আমার মন
বেহশ হো কর্ গির্ পড়ি হাথ্‌মে
বাজ্ বন্দমে বস্ গয়ি ॥

কানের দুলে প্রাণ রাখিলে বিধিয়া
আঁখ ফেরা দিয়া চোরা কর্ নিদিয়া,
দেহের দেউড়িতে বেড়াতে আসিয়া
আউর নেহি উয়ো ওয়াপস্ গয়ি ॥

পথ-ভোলা কোন্ রাখাল ছেলে ।
সে একলা বাটে শূন্য মাঠে
খেলে বেড়ায় বাঁশী ফেলে ॥

কভু মাঝ গগনে উদাস মনে
চাহিয়া হেরে গো কারে,
হেরে তারার উদয়, কভু চেয়ে রয়
সুদূর বন-কিনারে ।
হেরে সোনের পাখী ফিরে গো যখন
নীড়ের পানে পাখা মেলে ॥

তার খেনু ফিরে যায় গ্রামের পানে
আনমনে সে বসিয়া থাকে,
ঐ সন্ধ্যাতারার দীপ যে জ্বালায়
সে যেন কোথায় দেখেছে তাকে ।
তার নূপুর লুটায় পথের ধূলায়
সে ফিরে নাহি চায় কাহারে খোঁজে,
দূর চাঁদের ভেলায় মেঘ-পরী যায়
সে যেন তাহার ইশারা বোঝে ।
সে চির-উদাসী পথে ফেরে হয়
সকল সুখে আশ্রন জেলে ॥

কোকিল,
সাধিলি কি বাদ ।
নিশি অবসান হ'ল
না মিটিতে সাধ ॥

খিলনের মোহ কেন,
ডাকিয়া ভাঙিলি হেন,
তুই রে সতিনী যেন
চন্দ্রাবলীর ফাঁদ ॥
সারা নিশি অভিযানে
চাহিনি শ্যামের পানে,
জেগে দেখি কুহ-তানে -
নাহি শ্যাম চাঁদ ॥

ননদিনী কুটিল্য' কি
পাঠায়েছে ভোরে পাখী,
সুখের বাসরে ডাকি'
আনিলি বিবাদ ॥

পানুসে' জোছনাতে কে
ঢেউএর তালে তালে
মেঘের ফাঁকে ফোটে
উজান বেয়ে চল তুমি কি

ও-পারে লুকায়ে আঁধার
আকাশে হেলান দিয়ে
ঘুমায়ে দূরে সে কোন্ গ্রাম
ও-পারে ধু ধু বালুচর
ছাড়ি' এ সুখ-বাস

নদীর দু'তীরে টানে
চমুকি' উঠি' চখী
চকোরী চাঁদে ভুলি'
কেঁদে পাপিয়া শুধায়,
ভূমি যাও আপন-বিভোল

চল গো পানুসী বেয়ে ।
বাঁশীতে গজল গেয়ে ॥
বাঁকা শশীর চিকণ হসি,
ভার চোখে চেয়ে ॥

গভীর ঘন বন-ছায়,
অলসে পাহাড় ঘুমায়ে ।
বাসরে পল্লী-বধূর প্রায় ;
খেশ নদীর আঁচল লুটায় ।
চলেছ কোথায় গো নেয়ে ॥

বেতস-লজা উত্তরীয়,
ডাকে মুহ মুহ "কিও!"
চাহে তব মুখ পানে,
"পিউ কাঁহা, কাঁহা" পিও ।"
স্বপনে নয়ন ছেয়ে ॥

ঝলমল জরীন্ বেণী
 দুলায়ে প্রিয়া কি এলে ।
 সজল শাওন-মেঘে
 কাজল নয়ন মেলে ॥
 কেয়া ফুলের পরিমল
 ঝুরে মরে তোমার পথে,
 হেরি দীঘল তব তনু
 ভাল পিয়াল তরু পড়ে হেলে ॥
 পরিবে বলিয়া ঝোপায়
 ঝুরিছে বকুল চাঁপা,
 তোমারে খুঁজিছে আকাশ
 চাঁদের প্রদীপ জ্বলে ॥
 তোমারি লাবণী প্রিয়া
 ঝুরিছে শ্যামল মেঘে,
 ফুটালে ফুল মরুভূমে
 চঞ্চল চরণ ফেলে ॥

কোন বন হ'তে	করেছ চুরি	হরিণ-জাঁঘি (গো ঐ) ।
যেন আননে	বেঁখেছ বাসা	কানন-পাখী (ভীরু)
চুরি করা ঐ	নয়ন কি তাই	ভয় এত চোখে ।
নীল সাগর বলে,	ডাগর ও চোখ	আমারি নাকি ॥
চিরকালের	বিজয়িনী ও	উজল নয়নে,
(তুমি) দু'ধারী	তলোয়ার রেখেছ	জহর মাখি' ॥
পুড়িল মদন	তোমারি ঐ	চোখের দায়ে,
সে গেছে তোমার	ঐ চোখে তার	ফুল-বাণ' রাখি' ॥

নিশীথ হয়ে আসে ভোর
 বিদায় দেহ প্রিয় মোর ।
 রজনীগন্ধার বনে হের
 গুঞ্জরিছে ভ্রমর ।
 হের ঐ তন্দ্রা-চুলুচুল
 জড়য়ে হাতে এলো চুল,
 বধু যায় সিনান-ঘাটে
 পথে লুটায় বসন আকুল ।
 খোল খোল বাহুর মালা,
 মোছ মোছ প্রিয়া আঁখি ।
 শোন কুঞ্জ-দ্বারে ভব কুহ
 মুহ মুহ ওঠে ডাকি' ॥

হের লো, শিয়রে ভব
 প্রদীপ হয়ে এল স্নান,
 দাঁড়াল রাজা উষা ঐ
 রঙের সাগরে করি' স্নান ।
 আকাশ-অলিন্দে কাঁদে
 পাগুর-কপোল শশী,
 শুকতারা নিবু-নিবু ঐ
 মলয়া ওঠে উছসি' ।
 কাঁদে রাতের আঁধার
 মোর বুকে মুখ রাখি' ॥”

কেমনে কহি প্রিয়
 কি ব্যথা প্রাণে বাজে ।
 কহিতে গিয়ে কেন
 ফিরিয়া আসি লাজে ॥

শরমে মরমে ম'রে
 গেল বন-ফুল ঝ'রে
 ভীকু মোর ভালবাসা
 শুকাল মনের মাঝে ॥

আগুন জ্বকায়ে বুকে
 জুলিয়া মরি যে দুখে,
 ভুলিয়া রয়েছ সুখে,
 তুমি ত আপন কাজে ॥

আজিকে বারার আগে
 নিলাজ অনুরাগে
 ধরিতে যে সাধ জাগে
 হৃদয়ে হৃদয়-রাজে ॥

নমঃ নমঃ নমো
চির-মনোরম
বুকে নিরবধি
চরণে জলধির

বাঙলা দেশ মম
চির-মধুর ।
বহে শত নদী
বাজে মৃপুর ॥

শিয়রে গিরি-রাজ
আশিস্^১-মেঘবারি
যেন উমার চেয়ে
ওড়ে আকাশ ছেয়ে

হিমালয় শ্রহরী
সদা ভার পড়ে^২ ঝরি^৩,
এ আদরিণী মেয়ে,
মেঘ চিকুর ॥

ঐন্দ্র নাচে বামা
সহসা বরষাতে
শরতে হেসে চলে
গাহিয়া আগমনী-

কাল-বোশেবী ঝড়ে,
কাঁদিয়া ভেঙে পড়ে^৪,
শেফালিকা^৫-তলে
গীতি বিধুর ॥

হরিত অঞ্চল
ফেরে সে মাঠে মাঠে
শীতের অলস বেলা
ফগুনে পরে

হেমন্তে দুলায়ে
শশির-ভেজা পায়ে,
গভা ঝরার^৬ বেলা
সাজ ফুল-বধুর ॥

এই দেশের মাটি
যে রস যে সুধা
এই মায়ের বুকে
ঘুমাব এই বুকে

জল ও ফুলে ফলে,
নাহি ভুংগলে,
হেসে বেলে সুখে
স্বপ্নাতুর ॥

প্রিয় যাই যাই বলো না,
না না না ।
আর ক'রো না হুলা, না
না না না ॥

আজো মুকুলিকা মোর হিয়া মাঝে
না-বলা কত কথা বাজে,
অভিমান লাজে বলা যে হ'ল না ॥

কেন
আঁখি
প্রথম
যত
এত
শরমে বাধিল কে জানে,
তুলিতে নারিনু আঁখি পানে ।
প্রণয়-ভীরা কিশোরী
অনুরাগ তত লাজে মরি,
আশা সাধ চরণে দ'লো না ॥

ভোল ভাজ ভোল গ্রানি জননী
মুক্ত আলোকে জাগেগো ।
কবে সে ঘুমালি মরণ-ঘুমে মা
অমর জাগিলি না গো ॥

চরণে^১ কাঁদে মা তেমনি জলধি,
বক্ষ আঁফড়ি^২ কাঁদে নদ নদী,
ত্রিশ কোটি সন্তান নিরবধি
কাঁদে আর ডাকে মা গো ॥

শূন্য দেউল বকু আরতি,
কাঁদিছে পূজারী, নয়হি মা মুরতি^৩,
পূজার কুসুম চন্দন যায়
আঁখি-জাগে — ভাসিয়া মা গো ॥

যে ভিত্তিকা যে শিক্ষা লয়ে,
অতীতে^৪ ছিলি মা রাজস্বামী হয়ে,
ল'য়ে সে মহিমা পুনঃ নির্ভয়ে
বিশ্ব-বুকে দাঁড়া গো ॥

বিশ্বের এই খল কোলাহলে
তুই আয় কল্যাণ-দীপ জ্বলে,
বিরোধের শেষে তুই শান্তি মা
মৃত্যুশেষে সুধা গো ॥

কমু কমু কমু
কমু কমু বাজে নৃপুর ।
তালে তালে দোদুল দোলে
নাচের নেশায় চুর ॥

চঞ্চল ঝায়ে আঁচল উড়ায়ে
চপল পায়ে, ও কে যায়
নটিনী কল-তটিনীর প্রায়,
চিনি বিদেশিনী চিনি গো তায়,
শুনি ছন্দ তারি এ হিয়া ভরপুর ॥

নাচন শিখালে মধুর মরালে,
মরীচি-মায়া মকতে ছড়ালে,
বন-মৃগের মন হেসে ভুলালে,
ভাগর আঁখির নাচে সাগর দুলালে ;
গিরী-দরী বনে গো

দোল লাগে নাচনের
শনে তার সুর ॥

সখি লো
পদ্মদীঘির ধারে ঐ
কমল-দীঘির ধারে ।
জল নিতে যাই
সকাল সাঁঝে সই,
সখি,
ছল ক'রে সে মাছ ধরে
আর
চায় সে বারেবারে ॥

আর,
মাছ ধরে সে, বড়শী আমার
বুকে এসে বেঁধে,
ওলো সই বুকে এসে বেঁধে,
চোখের জলে কলসী আমার সই
আমি ভরাই কেঁদে কেঁদে
সই দেখি খত তারে ॥

সখি লো
আমি
সখি,
ছিপ নিয়ে যায় মাছ জলে তা'র
জাকায় না তার পানে,
মন ধরে না - মীন ধরে সে
সখি লো সেই জানে ।
মন-ভিখারি মীন-শিকারী
মুখের পানে চায়,
চোখের পানে চায়,
বড়শী-বেঁধা মাছের মত গো
ছুটিয়া মরি হয় অকূল পাথারে ॥

দিতে এলে ফুল, হে প্রিয়,
কে আজি সমাধিতে মোর ।
এত দিনে কি আমারে
পড়িল মনে মনোচোর ॥

জীবনে যারে চাহনি
ঘুমাইতে দাও তাহারে,
মরণ-পারে ভেঙে না
ভেঙে না তাহার ঘুম-ঘোর ॥

দিতে এসে ফুল কেঁদো না প্রিয়
মোর সমাধি-পাশে,
বারিল যে ফুল অনাদরে হয় -
নয়ন-জলে বাঁচিবে না সে ।
সমাধি-পাষণ নহে গো
তোমার সমান কঠোর ॥

কেন
কত আশা সাধ মিশে যায় মাটির সনে,
মুকুলে ঝরে কত ফুল কীটের দহনে ।
অ-সময়ে আসিলে,
ফিরে যাও,
মোছ অঁধি-পোর ॥

কে এলে মোর চির-চেনা
অতিথি ধারে সম ।
ফুলের বুকে মধুর মত
পরগে সুবাস সম ॥

বর্ষা-শেষে চাঁদের মতন
উদয় তোমার নীরব গোপন,
জ্যোৎস্না-ধারায় নিখিল ভুবন
ছইয়া অনুপম ॥

হৃদয় বলে, চিনি চিনি
আঁধি বলে, দেখিনি তায়,
মন বলে, প্রিয়তম ॥

দোলে নিভি নব রূপের ঢেউ-পাথার
ঘনশ্যাম তোমারি নয়নে ।
আমি হেরি যে নিখিল বিশ্বরূপ -
সম্ভার তোমারি নয়নে ॥

ভূমি পলকে ধর নাথ সংহার-বেশ,
হও পলকে ককণা-নিদান পরমেশ,
নাথ ভরা যেন বিষ অমৃতের ভাণ্ডার
তোমার দুই নয়নে ॥

ওগো মহা-শিশু, তব খেলা-ঘরে
এ কি বিরাট সৃষ্টি বিহার করে,
সংসার চক্ষে ভূমিই হে নাথ,
সংসার তোমারি নয়নে ॥

ভূমি নিমেষে রচি' নব বিশ্বছবি
ফেল নিমেষে মুছিয়া হে মহাকবি,
করে কোটি কোটি ব্রহ্মাণ্ড ভুবন-সঞ্চারণ
তোমারি নয়নে ॥

ভূমি ব্যাপক বিশ্ব চরাচরে
জড় জীব নারী নরে,
কর কমল-লোচন, তোমার রূপ বিস্তার হে
আমার নয়নে ॥

এলে কি বঁধু ফুল-ভবনে ।
মেলিয়া পাখা নীল গগনে ॥

একা কিশোরী লাজ বিস্মরি
তোমারে স্মরি সঙ্গেপনে,
এস গোষ্ঠুলির রাজা লগনে ॥

পাতার আসন শাখায় পাতা,
বালিকা কলির মালিকা গাঁথা,
গন্ধ-লিপি জের পবনে ॥

দিনু

হে বিধাতা ।

দুঃখ শোক মাঝে তোমাঙ্গি পরশ রাজে,
কাঁদায়ে জননী-প্রায় কোলে কর পুনরায়
শান্তি-দাতা,
হে বিধাতা ॥

ভুলিয়া যাই হে যবে সুখ-দিনে তোমারে
স্মরণ করায় দাও আঘাতের মাঝারে,
দুঃখের মাঝে তাই হে প্রভু তোমারে পাই
দুঃখ-দাতা,
হে বিধাতা ॥

দারা-সুত-পরিজন-রূপে প্রভু অনুধণ,
তোমার আমার মাঝে আড়াল করে সৃজন ;
তুমি যবে চাহ মোরে লগ হে তাদের হ'রে
ছিড়ে দিয়ে মায়া-ডোরে ক্রোড়ে ধর আপন ।

ভক্ত সে প্রহ্লাদ ডাকে যবে নারায়ণ
নির্মম^১ হয়ে ভার পিতারও হর জীবন,
সব যবে ছেড়ে যায় দেখি তব বুকে হায়
আসন পাতা ।
হে বিধাতা ॥

পাম্বাণের ভাঙলে ঘুম
কে তুমি সোনার ছোঁওয়ায় ।
গলিয়া সুরের তুয়ার
গীতি-নির্ঝর বয়ে যায় ॥

উদাসীন বিবাহী মন
যাচে আজ বাহুর বাঁধন,
কত জন্মের কাঁদন
ও-পায়ে লুটাত্তে চায় ॥

তোমার চরণ-ছন্দে মোর
মুঞ্জরিল গানের মুকুল,
তোমার বেণীর বন্ধে গো
মরিতে চায় সুরের বকুল ।
চম্কে ওঠে মোর গগন
ঐ হরিণ-চোখের চাওয়ায় ॥

ব'লো না ব'লো না ওলো সই
আর সে কথা ।
তোমরা চপল-মতি
ফিরে সে যথা শুধা ॥

উল্লস কি লতার কাছে
এসে কতু শ্রেম যাচে,
তরু বিনা নাহি বাচে
— অসহায় লতা ॥

ভুলিতে যার নাই তুলনা,
সখি তার কথা ছুঁয়ো না,
প্রাণহীন পাষাণে গড়া
সে যে দেবতা ॥

মরম-কথা গেল সেই মরমে ম'রে ।
শরম বারণ যেন কিরর চরণ ধ'রে ॥

ছল ক'রে কত শত

সে মম কুখিত পথ,

লাজ-ভয়ে পলায়েছি

সে ফিরেছে বাখাহত,

অনাদরে প্রেম-কুসুম গিয়াছে স'রে ॥

কত যুগ মোর আশে ব'সে ছিল পথ-পাশে,

কত কথা কত গান জ্ঞানিয়েছে ভালোবেসে,

শেষে অভিমানে নিরাশে গিয়াছে স'রে ॥

ভৈরবী - কার্কা

চল মন আনন্দ-ধাম ।

চল মন আনন্দ-ধাম রে

চল আনন্দ-ধাম ॥

লীলা-বিহার প্রেম-লোক,

রাই রে সেধা দুখ শোক,

সেধা বিহরে চির-ব্রজ-বালক

বনশীপুয়লা শ্যাম রে

চল আনন্দ-ধাম ॥

সেধা নাহি মৃত্যু, নাহি ভয়,

নাহি সৃষ্টি, নাহি লয়,

খেলে চির-কিশোর চির-অভয়

সঙ্গীত ওম্ নাম রে

চল আনন্দ-ধাম ॥

এস হৃদি-রাস-মন্দিরে এস
হে রাস-বিহারী কাল।
মম নয়নের পাতে রাখিয়াছি গেঁথে
অশ্রু-সুখীর মালা ॥

আমার কাঁদন-যমুনার নদী
ভাটি-টানে শুধু বহে নিরবধি,
তাঁর বাঁশরীর তানে বহাও উজানে
ভোলাও বিরহ-জ্বালা ॥

আমি তাজিয়াছি কবে মাজ মান কুল
বহি' কলঙ্ক এসেছি পোকুল,
আমি ভুলিয়াছি ঘর শ্যাম নটবর
কর মোরে ব্রজ-বালা ॥

আমার সকলি হরেছ হরি
এবার আমায় হ'রে নিও।
যদি সব হরিলে নিখিল-হরণ
তবে ঐ চরণে শরণ দিও ॥

আমায় ছিল যারা আড়াল ক'ঙ্গে
হরি ছুঁমি নিলে তাদের হ'রে,
ছিল প্রিয় যারা গেল তারা
হরি এবার তুমিই হও হে প্রিয় ॥

যমুনা-কূলে মধুর মধুর মুরলী সখি বাজিল ।
মাধব নিকুঞ্জ-চারী শ্যাম বুঝি আসে -
কদম্ব তমাল নব পল্লবে সাজিল ॥

ময়ূর তমাল-তলে পেখম খোলে,
ব্যাকুল্য গোপ-বালা গুনিয়া সে ডান,
যুগ যুগ ধরি' বেন শ্যাম
বাঁশরী বাজায় গো,
বাঁশীতে শ্যাম হোরে যাচিল ॥

কুসুম-সুকুমার শ্যামল তনু
হে ফুল-দেবতা লহ প্রণাম ।
বিটপী লতায় চিকণ পাতায়,
ছিটাও হাসি কিশোর শ্যাম ॥

পূজার থালা এ অর্ঘ্য-ডালা
এনেছি দিতে তোমার পায়,
দেহ গুড বর কুসুম-সুন্দর
হউক নিখিল নয়নাভিরাম ॥

এ বিশ্ব বিপুল কুসুম-দেউল
হউক তোমার ফুল-কিশোর !
মুরলী করে - এস গোলক-বিহারী
হউক ভুলোক আনন্দ-ধাম ॥

কোথায় তুই খুঁজিস্ ভগবান
সে যে রে তোরি মাঝারে রয়,
চেয়ে দেখ্ সে তোরি মাঝারে রয়,
সাজিয়া যোগী ও দরবেশ
খুঁজিস্ যারে পাহাড় জঙ্গলময়
সে যে রে তোরি মাঝে রয় ॥

আঁখি খোল্ ইচ্ছা-অঙ্কের দল
নিজেরে দেখ্ রে আয়নাতে,
দেখিবি তোরই এই দেহে
নিরাকার তাঁহার পরিচয় ॥
ভাবিস্ তুই ক্ষুদ্র কলেবর
ইহাতেই অসীম নীলাম্বর,
এ দেহের আধারে গোপন
রহে রে বিশ্ব চরাচর,
প্রাণে তোর প্রাণের ঠাকুর
বেহেশতে স্বর্গে - কোথাও নয় ॥

এই তোর মন্দির মস্জিদ
এই তোর কাশী বৃন্দাবন,
আপনার পানে ফিরে চল্
কোথা তুই তীর্থে যাবি, মন !
এই তোর মক্কা মদিনা,
জগন্নাথ-ক্ষেত্র এই হৃদয় ॥

কৈদে যায় দখিণ হাওয়া
ফিরে ফুল-বনের গলি ।
ফিরে যাও চপল পথিক,
দুলে কয় কুসুম-কলি ॥

ফেলিছে সমীর দীর্ঘ শ্বাস
আসিবে না আর এ মধু-মাস
কহে ফুল, জনম জনম
এমনি গিয়াছ ছলি ॥

কঁদে বায়, রজনী-ভোরে
বাসি ফুল পড়িবি স্ব'রে,
কহে ফুল, এমনি ক'রে
আমি ফুল-চোরে রে দলি ॥

কঁদে বায়, নিদাঘ আসে
আমি যাই সুদূর বাসে,
ফু'টে ফুল হাসিয়া ভাষে -
প্রিয়তম যেয়ো না চলি ॥

মেরো না

আম্বারে আর নয়ন-বাণে” ।
কি স্জালা ব্যাধের বাণে”
বনের হরিণই জানে ॥

একে এ পরাণ দহে
মন্দির ও-আঁখির মোহে
চাহনির যাদু মাথা তায় ।
জ্বলিছে আলোয়া-শিখা
নয়ন-জলের মরীচিকা
পিয়ামী পথিক ছোটে হয়
তাহারি টানে ॥

তব

রূপের সাগরে ও-নয়ন
শাপলা সুঁদির ফুল,
ছলিতে গিয়া ডুবিল
শত সে পথিক বেতুল ।

সুন্দর ফণীর শিরে
ও যেন যুগল মণি,
যে গেল সে মণির মায়ায়,
তারে দংশিল অমনি ।

শত সে হৃদয়-নদী
কেন্দে যায় নিরবধি,
সাগর-ডাগর ও-আঁখির পানে ॥

হেঁলে দু'লে নীর ভরণে ও কে যায় ।
ছল করে কলসী নাচায় (কিশোরী) ॥

দূলে দোদুল ল' তনু-সজা^১, বাহ দোলে,
দূলে অঞ্চল চঞ্চল বায় ।
দূলে বেণী, দূলে চাবি আঁচলায় ॥

নাচে জল-ভরণে তটিনী^২ রঙ্গে
জলদ দাদরা বাজায় ।
মম পরাণ নৃপুর হ'তে চায় (ডোর পায়) ॥

বাংলাইন্টারনেট.কম

বনে মোর ফুটেছে হেনা চামেলী
যুঁথী বেলি ।

এস এস কুসুম-সুকুমার

শীতের মায়ী-কুহেলি অবহেলি' ৷

পর্যাণে দেয় দোলা দেয় দোলা দেয় দোলা

উতল দবিণা হাওয়া,

কোকিল কুহরে কুহ কুহ স্বরে,

মদির স্বপন-ছাওয়া ।

হাসে গীত-চঞ্চল জোছনা-উজল

মাধবী রাতে,

এস এস যৌবন-সার্থী

ফুল-কিশোর, হে চিতচোর, দেবতা মোর !

মম লাজ অবগুঠন^{২২} ঠেলি' ৷

ও দুঃখের বন্ধ রে, ছেড়ে কোথায় গেলি ।
ছেড়ে কোথায় গেলি রে বন্ধ, একলা ঘরে ফেলি ৷

আমায় গঞ্জনা দেয় ঘরে পরে,

আমি ছুলতে তবু নারি তোরে বে,

আমি লবণ দিতে পাল্লা ভাঙে হলুদ দিয়ে ফেলি ৷

তোর লাঙল তোর কাঁপ্তে নিয়ে

যুঁজে বেড়াই মাঠে গিরে,

আমি

চোখের জলে মাঠ ভেসে যায়

তুই তবু কই এলি ৷

তেল মেখে কি গায়ে তোরা

পিরীতি করিস্ মনোচোরা,

ধরিতে কি না ধরিতে

যাস্ রে গিছলি' ৫

আমি ডুরি-ছেঁড়া যুড়ির মতন
চলছি উ'ড়ে প্রাণ সহ ।
ছুটি উর্ধ্বশ্বাসে ঝড়-বাতাসে
পড়ব কোথায় কেমনে কই ॥

আমার বকের পাঁজরা গেছে খসে,
সেই ডাঙা বকের বাপু'র ভ'রে
কুন্স কাঠেরি আগুন বই ॥

আমার কাঁদিয়ে তোরে ও প্রেয়সী,
তো'রও চেয়ে কাঁদছি বেশী,
পাকা ধানের ক্ষেতে আমি
আপন হাতে দিলাম মই ॥

আমি তো'র কাঁদনের গাঙের তীরে
নৌকা বেয়ে আস'ব ফিরে,
ভেজে রাখিস দুখের তাতে
মন-আঁখিতে ধেমের খই ॥

পুরুষ ॥ তুমি ফুল আমি সুতো গাঁথিব মালা ।
স্ত্রী ॥ তাহে মোরেই সহিতে হবে সূচীর জ্বালা ॥

পু ॥ দু'লিবে গলে মোর বকের 'পরে,
স্ত্রী ॥ ফেলে দিবে বাসি হলে নিশি-তো'রে,
আমি বন-কুসুম ঝরি বনে নিরালা ॥

পু ॥ তব কুঞ্জ-গলি
আসে দখিণ হাওয়া,
আসে চপল অলি ।
স্ত্রী ॥ তারা রূপ-পিয়াসী
তারা ছিড়ে না কলি ।
তারা বনের বাহিরে মোরে নেবে না কালা ॥

পু ॥ জবে চলিয়া যাই আমি নিরাশা লয়ে,
স্ত্রী ॥ না, না, থাক বৃকে শিশির হয়ে,
তব প্রেমে করিব আমি বন উজালা ॥

পুরুষ ॥ মন নিয়ে আমি লুকেচুরি-খেলা খেলি প্রিয়ে ।
স্ত্রী ॥ ধরিতে পারি না পেতে তাই প্রেম-ফাঁদ
আমি মেঘ ভূমি চাঁদ, ফের গো কাঁদিয়ে ॥

পু ॥ মন্দ বায় আমি গন্ধ লুটি শুধু
চাইনে আমি সে মধু,
স্ত্রী ॥ চাইনে চাইনে, বঁধু^{৩০} !
তাহে নাই সুখ নাই,
আমি পরশ যে চাই ।

পু ॥ স্বপন-কুমার ফিরি যে আমি
মন ভুলিয়ে ॥

উভয়ে ॥ চল তবে মাই মোরা স্বপ্নের দেশে
জোছনায় ভেসে
গন্দন-পারিজাত ফুল ফুটিয়ে ॥

উভয়ে ॥ / ভালোবাসায় বাঁধব বাসা
আমরা দু'টি^{৩১} মাণিক-জোড় ।
থাকব বাঁধা পাখায় পাখায়
মাঝমাঝি প্রেম-বিভোর ॥ /

পু ॥ আমার বুকো যত মধু
স্ত্রী ॥ আমার বুকো ঢালবে বঁধু^{৩২} !
পু ॥ আমি কাঁদব স্বপন দুখে
স্ত্রী ॥ আমি মুছাব সে নয়ন-লোর ॥

পু ॥ আমি যদি কভু মনের ভুলে,
তোমায় প্রিয়া থাকি ভুলে,
স্ত্রী ॥ আমি রইব তাতেই
যুগলের মালায় লুকিয়ে
যেমন থাকে ডোর ॥

মোর মন ছুটে যায় দ্বাপর যুগে
দূর দ্বারকায় বৃন্দাবনে ।
মোর মন হ'তে চায় ব্রজের রাখাল
খেলতে রাখাল-রাজার সনে ॥

রূপ ধরে না বিশ্বে যাহার
দেখতে যায় সাধ কিশোর-রূপ তার,
কেমন মানায় নরের রূপে
অনন্ত সেই নারায়ণে ॥

সাজ্ত কেমন শিশী-পাখা
বাজ্ত কেমন-নুপুর পায়ে,
ধির কেমন থাক্ত ধরা
নাচ্ত যখন তমাল-ছায়ে ।
মা যশোদা বাধ্ত যখন
কাদ্ত ভগবান কেমনে ॥

বাজ্ত সে বেণু যখন
উঠ্ত না কি বিশ্ব কেঁপে,
ছড়িয়ে যেত সে সুর কোথায়
আকাশ গ্রহ তারা ছেপে ।
রাধার সনে ছুট্ত না কি
পাগল নিখিল বাঁশীর স্বনে ॥

তা'রে সাজ্ত কেমন বন-মালায়
বিশ্ব বাহ্যর অর্ঘ্য সাজায় ;
যোগী-ঝড়ি পায় না ধ্যানে
গোপ-বালা কেমনে পায় ।
ভেম্নি ক'রে কালার প্রেমে
সব খোয়াব এই জীবনে ॥

চিরদিন কাহারো
আজিকে যে রাজাধিরাজ
সমান নাহি যায় ।
কা'ল সে ভিক্ষা চায় ॥

অবতার শ্রীরাম
তারো হ'ল বনবাস
আতনেও পুড়িল না
যে জ্ঞানকীর পতি
স্বাণ-করে দুর্গতি ।
ললাটের লেখা হয় ॥

স্বামী পঞ্চ পাণ্ডব,
দুঃশাসন করে তবু
পুত্র তার হ'ল হত
সখা কৃষ্ণ ভগবান,
দ্রৌপদীর অপমান ।
যদুপতি যার সহায় ॥

মহারাজ শ্রীহরিশ্চন্দ্র
শাসন-রক্ষী হয়ে
বিস্ম-বুকে চরণ-চিহ্ন,
রাজ্যদান ক'রে শেষ
লভিল চণ্ডাল বেশ ।
ললাট-লেখা কে খণ্ডায় ॥

দেখে যা তোরা নদীয়ায় ।
গোরার রূপে এল ব্রহ্মের শ্যামরায় ॥

মুখে হরি হরি ব'লে
হে'লে দু'লে নেচে চলে,
নরনারী শ্রেমে গ'লে
চ'লে পড়ে রাজা পায় ॥

ব্রহ্মে মূপুর পরি' নাচিত এমনি হরি,
কুল ভূপিয়া সবে ছুটিত, এমনি করি' ।
শচী মাতার রূপে কাঁদে মা যশোদা,
বিষ্ণুপ্রিয়ার চোখে কাঁদে কিশোরী রাধা ।
নাহে নিম্নাই নিতাই, ও যে কানাই বলাই,
শ্রীনাথ-সুদাম এলো জগাই-মাধাই এ হায় ॥

অসি নাই বাঁশী নাই, এবার শূন্য হাতে
এসেছে ভুবন ভূলাতে ।
শীলা-পাগল এল শ্রেমে মাতাতে,
ডুবু ডুবু নদীয়া, বিশ্ব ভাসিয়া যায় ॥

কলা এত ভাল কি হে কদম্ব গাছের তলা ।
আমি দেখছি কত দেখব কত তোমার ছলাকলা ॥

আমি জল নিতে খাই যমুনাতে
তুমি বাজাও বাঁশী হে,
মনের ভুলে কলস ফেলে
তোমার কাছে আসি হে,

শ্যাম দিন-দুপুরে গোকুলপুরে দায় হ'ল যে চলা ॥

আমার চারিদিকেতে নন্দ সন্তান দু'কুল রাখা ভার,
আমি সহিব কত আর,
ওরা লুকিয়ে হাসে দেখে মোদের
গোপন লীলার ছলা ॥

জবাকুসুম-সঙ্কাশ

ঐ উদার অরুণোদয় ।

অপগত তমোভয়

জয় হে জ্যোতির্ময় ॥

জননীর সম স্নেহ-নজল

নীল গাঢ় গগন-তল,

সুপেয় বারি প্রসূন ফল

তব দান অক্ষয় ।

অপহৃত সংশয়

জয় হে জ্যোতির্ময় ॥

মাধব বংশীধারী বনওয়ারী গোষ্ঠ-চারী

গোবিন্দ কৃষ্ণ মুরারি ।

গোবিন্দ কৃষ্ণ মুরারি হে,

পাপ-তাপ-দুঃ-হারী ॥

কালরূপ কভু দৈত্য-নিধনে,

চিকিৎসা কাল কভু বিহর বনে,

বাজাও বেণু, খেল খেনু সনে,

বামে রাখা-প্যারী,

গোপ-নারী-মনোহারি,

নিকুঞ্জ-লীলা-বিহারী ॥

কুরুক্ষেত্র-রণে পাণ্ডব-মিতা,

কঠে অভয় বাণী ভগবদ-গীতা,

হে পূর্ণ ভগবান পরম পিতা,

শঙ্খ-চক্র-গদাধারী,

পাপ-ভারী, কাণ্ডারী

ত্রিভুবন সৃজনকারী ॥

আমার কালো মেয়ের পায়ের তলায়
দেখে যা আলোর ন্যচন ।
মায়ের রূপ দেখে দেয় দুফ পেতে শিব
যার হাতে মরণ বাঁচন ॥

আমার কালো মেয়ের আঁধার কোলে
শিশু রবি শশী দোলে,
মায়ের একটুখানি রূপের ঝলক,
ঐ সিঁদুল বিরাট নীল-গুগন ॥

পাগুন্দী মেয়ে এলোকেশী
নিশীথিনীর দুলিয়ে কেশ
নেচে বেড়ায় দিনের চিত্তায়
দীপার রে তার নাইকো শেষ ।

সিক্কতে ঐ বিন্দুখানিক
তার ঠিকরে পড়ে রূপের মানিক,
বিশ্বে মায়ের রূপ ধরে না
মা আমার তাই দিগ্-বসন ॥

শ্যামা তুই বেদেনীর মেয়ে
(ভাই) মাঠে ঘাটে বেড়াস ধেয়ে ।
তুই কোন্ দুখে এই ভেক নিলি মা
খাধাতে নিখিল ছেলে-মেয়ে ॥

হেম কৈন্যাসে তোর আঙন জ্বালি'
গৌরী মেয়ে সাজলি কালি,
তুই অন্নপূর্ণা নাম তুলিলি
ভূতনাথের সঙ্গ পেয়ে ॥

ডুগডুগি ঐ বাজায় মহেশ
খ্যাপা বেটা গাঁজা খেয়ে,
তাই দেখে তুই চণ্ডী সেজে
স্বপ্নে গেলি হাবা মেয়ে ॥

রাজার মেয়ের এ কি খেয়াল
মেরে বেড়াস অসুর-শেয়াল,
তুই দানব ধরে বাঁদর নাচাস
কাজ নাই তোর খেয়ে-দেয়ে ॥

জয় বাণী বিদ্যাদায়িনী ।
জয় বিশ্ব-লোক-বিহারিণী ॥

সৃজন-আদিম তমঃ অপসারি'
সহস্র দল কিরণ বিথারি'
আসিলে মা তুমি গগন বিদারি'
মানস-মরোল-বাহিনী ॥

ভারতে ভারতী মুক তুমি আজি
বীণাতে উঠিছে ক্রন্দন বাজি'
ছিন্ন-চরণ শতদলরাজি
কহিছে বিষাদ-কাহিনী ॥

উঠ মা আবার কমলাসীনা
করে ধর পুনঃ সে রুদ্র বীণা,
নব সুর তানে বাণী দীনাহীনা
জাগাও অমৃত-স্রাবিণী ॥

রোদনে তোর বোধন বাজে
আয় মা শ্যামা জগন্যয়ী ।
আমরা যে তোর মানব-ছেলে
আমরা ত মা দানব নই ॥

তোর মাথায় গেছে রক্ত চড়ে'
তাই পা রেখেছিস শিবের 'পরে,
স্বামীকে তুই মা চিন্তে নারিস্
চিন্তিবি ছেলের কেমনে কই ॥

তোর বাবা যেমন অটল পাষণ,
তেমনি অটল তোরও কি ঞ্জণ !
তুই সব খেয়েছিস সকল-খাণী,
এবার শুধু ভিক্ষা মাগি —
তোর আপন ছেলের মাথা খা তুই
মোরাও দুঃখ-মুক্ত হই ॥

তুমি দুখের বেশে এলে ব'লে ভয় করি কি হরি ।
দাও ব্যথা যতই, তোমায় ততই নিবিড় ক'রে ধরি
আমি ভয় করি কি হরি ॥

আমি শূন্য ক'রে তোমার বুলি
দুঃখ নেব বক্ষে তুলি',

আমি করব দুখের অবসান আজ
সকল দুঃখ বরি' ।

আমি ভয় করি কি হরি ॥

তুমি তুলে দিয়ে সুখের দেয়াল
ছিলে আমার প্রাণের আড়াল,
আড়াল ভেঙে দাঁড়ালে মোর
সকল শূন্য ভরি' ।
আমি ভয় করি কি হরি ॥

ওহে রাখাল-রাজ! কি সাজে
সাজালে আমায় আজ ।
আমার ঘরের ভূষণ কেড়ে নিয়ে
দিলে চির-পথিক সাজ ॥

তোমার পায়ের নূপুর আমায় দিয়ে
ঘোরাও পথে ঘাটে নিয়ে
বেড়াই বাউল একতারা বাজিয়ে হে,
তোমার ভুবন-নাটে নেচে বেড়াই
ভুলে সরম ডরম লাজ ॥

তোমার নিত্য খেলার নৃত্য-সার্থী
আনন্দেরি গোষ্ঠে হে,
জীবন মরণ আমার সহজ
চরণ-তলে লোটে হে !

আমার হাতে দিলে সর্কনাশী
যর তুলানো তোমার বাঁশী
কাজ ভূলাতে যখন তখন আসি হে,
আমার আপন ভবন কেড়ে, দিলে
ছেড়ে বিশ্ব ভুবন মাঝে ॥

ধ্যান ধরি কিসে হে গুরু
তুমি যোগ শিখাইতে এলে ।
কানন-পথে শ্যাম যে প্রেম-বাণী
মধুকর-করে পাঠালে,
হে গুরু, কি যোগ আমি শিখিব তা ফেলে ।
তুমি যোগ শিখাইতে এলে ॥

আর লুকবি কোথায় মা কালি ।
আমার বিশ্ব-ভুবন আঁধার ক'রে
তোর রূপে মা সব ভুবালি ॥
আমার সুখের গৃহ শূন্য ক'রে
বেড়াই মা তায় আশ্রয় জ্বালি',
আমায় দুঃখ দেওয়ার ছলে মা তোর
ভুবন-ভরা রূপ দেখালি ॥
আমি পূজা ক'রে পাইনি তোরে
এবার চোখের জলে এলি,
আমার বুকের ব্যথায় আসন পাতা
ব'স মা সেথা দুঃ-দুলালী ॥

আমি	ভাই ফ্যাপা বাউল, আমার দেউল আমারি এই আপন দেহ ।
আমার	এ প্রাণের ঠাকুর নহে সুদূর অন্তরে মন্দির-গেহ ॥
সে থাকে	সকল সুখে সকল দুখে আমার বুকে অহরহ, কভু
	তায় প্রণাম করি বক্ষে ধরি কভু তারে বিলাই মেহ ॥
	ভুলায়নি আমারি কুল, ভুলেছে নিজেও সে কুল, ভুলে বৃন্দাবন গোকুল (তার) মোর সাথে মিলন বিরহ ॥
সে আমার	ভিক্ষা-ঝুলি কাঁধে তুলি চলে ধূলি-মলিন পথে, নাচে গায়
	আমার সাথে একতরাত্তে কেউ বোঝে, বোঝে না কেহ ॥

গুমা	ফিরে এলে কানাই মোদের এবার ছেড়ে দিসনে তায় । তোর সাথে সব রাখাল মিলে বাঁধব সে নদী-চৌরায় ॥
তারে	তুই যখন মা রাখতিস বেঁধে, ছাড়িয়েছি কেঁদে কেঁদে, তখন
	জানত কে, যে, খুললে বাঁধন পালিয়ে যাবে মধুরায় ॥
এবার	আমরা এসে ডাকলে শ্যামে গোষ্ঠে যেতে দিসনে তায় ।
ঐ	পথে অক্রুর মুনির ^{১০} সাথে পালিয়ে যাবে শ্যামরায় ॥
মোরা	কেউ যাব না বনে মা আর খেলব ভোর এই আঙ্গিনায়, শুধু
	খেলব লুকোচুরি লো আগুলাতে চোরের রাজ্যায় ॥

পথে পথে কে বাজিয়ে চলে বাঁশী ।
হ'ল বিশ্ব-রাধা ঐ সুরে উদাসী ॥

ত'নে ঐ রাখালের বেণু
ছুটে আসে আলোক-ধেনু,
ঐ নীল গগনে রাজা মেঘে
ওড়ে গৌশুর-রেণু,
আসে শ্যাম-শিয়ালী গোপ-শিয়ালী
গ্রহ-তারার রাশি ॥

সেই বাঁশীর অনেষণে
যত মন-বধু ধায় বনে,
তাদের প্রেম-যমুনায় বান ভেকে যায়
কুল খোয়ায় গোপনে ।
তার। রাস-দেউলে রসের
বাউল আনন্দ-ব্রজবাসী ॥

("আরে দাজ পোন" সুর)

ও মন চল অকুল পানে
মাতি হরিপ্রেম-গুণগানে ।
নদী যেমন ধায় অকূলে
কুল যত ভায় টানে ॥

ভুই কোন পাহাড়ে ঠেকলি এসে
কোন পাথরের জল,
হরির প্রেমে গেলে এবার
সেই অসীমে চল,
ভুই স্রোতের বেগে দুর্লবি রে
কুল বাধা যদি হানে ॥

কুল কুলকুল হরিগুণ-গান
গাইবি অবিরল,
আর দুই কূলে প্রেম-কুল ফুটায়
করুবি রে শ্যামল,
যত ভাপিত প্রাণ হবে শীতল
তোর জলে সিনামনে ॥

এ পারের সব যাত্রী যাবে
তোর বৃকে ওপারে,
তোর কূলে শ্যাম বাজিয়ে বাঁশী
আসবে অভিসারে,
ভুই শ্যামের ছবি ধরুবি বৃকে
মাভুবি প্রেম-ভুফানে ॥

এস মুরলীধারী বৃন্দাবন-চারী
গোপাল নিরিধারী শ্যাম ।

তেমনি যমুনা বিগলিত-করণা,^{১৩}
কুলু কুলু কুলু স্বরে ডাকে অবিরাম ॥

কোথায় গোকুল-বিহারী শ্রীকৃষ্ণ
চাহিয়া পথ-পানে ধরণী সতৃষ্ণ,
ডাকে মা যশোদায় নীলমণি
আয় আয় ডেকে যায় নন্দ শ্রীদাম ॥

ডাকে প্রেম-সাধিকা আজো শত রাধিকা
গোপ-কোঙারি,

এস নওল-কিশোর কুল-লাজ-মান-চোর
ব্রজ-বিহারী !

পরি' সেই পীতধরা, সেই বাঁকা শিখী-চূড়া
বাজায়ে বেণু,

আরবার এস গোষ্ঠে, খেল সেই ছায়া-বটে,
চরাও ধেনু ।

কদম তমাল-ছায়ে এস নৃপুত্র পায়ে
মলিত বঙ্কিম ঠাম ॥

নৃপুত্র মধুর রুণব্রুণ বোলে
মন-গোকুলে রুণব্রুণ বোলে ॥

কুলের বাঁধন টুটে
যমুনা উধলি উঠে,
পুলকে কদম ফুটে,
পেখম খোলে
শিখী পেখম খোলে ॥

ব্রজনারী কুল ভুলে
মুটায় সে পদ-মূলে,
চোখে জল বুকে
প্রেম-তরঙ্গ দোলে ॥

শ্রীমতী রাধার সাথে
বিশ্ব ছুটিছে পথে,
হরি হরি বলে মাতে
তিভুবন ভোলে ॥

হে গোবিন্দ, ও অন্নবিন্দ চরণে-শরণ দাও হে ।
বিফল জনম কাটিল কাঁদিয়া, শান্তি নাহি কোথাও হে ॥

জীবন-প্রভাত কাটিল খেলায়,
দুপুর ফুরাল মোহের মেলায়,
ডাকিব যে নাথ সন্ধ্যা-বেলায়
ডাকিতে পারিনি তাও হে ॥

এসেছি দুঃখ-জীর্ণ পথিক মৃত্যু-গহন রাস্তে
কিছু নাই প্রভু সম্বল, শুধু জল আছে আঁখি-পাতে ;
সন্তান তব বিপথগামী
ফিরিয়া এসেছে হে জীবন-স্বামী,
পাপী তাপী তব সন্তান আমি
ধুলা মুছে কোলে নাও হে ॥

ফিরে আয় ভাই গোষ্ঠে কানাই
আর কতকাল র'বি মথুরায় ।
তোর শ্যামলী ধবলী কাঁদে তৃণ ফেলি,
বারে বারে পথে ফিরে চায় ॥

রাখাল-সার্থীরে ফেলি' কোথা আজ
রাজ্য পেয়েছ, হে রাখাল-রাজ !
তোর ফেলে-যাওয়া বাঁশী নিয়ে যারে আসি'
মোরা আঁখি-জলে ডাসি দেখে ভায় ॥

তুই শিখী-পাখা ফেলে মুকুট মাথায়
দিয়েছিস্ নাকি, গুনে হাসি পায় ।
তুই পীত-ধড়া ছেড়ে রাজ-বেশে ভাই
সেজেছিস্ নাকি, মোদের কানাই !
তুই অসি ফেলে নেচে আয় হেলে দুলে,
নৃপুর পরিয়া রাজ্য পায় ।

ফিরে আয় ননী-চোর ব্রজের কিশোর
মা ব'লে ডাক যশোদায় ॥

সুন্দর বেশে মৃত্যু আমার
আসিলে কি এতদিনে ?
বাজালে দুপুরে বিদায়-পুরবী^২
আমার জীবন-বীণে ।
ভয় নাই রানী, রেখে গেনু শুধু
চোখের জলের লেখা,
রাতের এ লেখা শুকাবে প্রভাতে,
চলে যাব আমি একা !
* * *
দিনের আঁপোকে ভুলিও তোমার রাতের দুঃস্বপন,
উর্ধ্বে তোমার প্রহরী দেবতা,
মধ্যে দাঁড়িয়ে তুমি ব্যথাহতা,
পায়ের তলার দৈত্যের কথা ভুলিতে কতক্ষণ ?

রাখ রাখ রাজা পায়
হে শ্যামরায় !
ভুলে গৃহ স্বজন সবই সঁপেছি তোমায় ॥

সংসার মরু ঘোর, নাহি তরু ছায়া,
নব নীরদ শ্যাম আনো মেঘ-মায়া,
আনন্দ-নীপবনে নন্দ-দুলাল এস
বহাও উজান হরি অশ্রুর যমুনায়ে ॥

একা জীবন মোর পহন বন ঘোর
এস এ বনে বলমালী গোপ-কিশোর,
কুঞ্জ রচেছি দুখ-শোক-উমাল-ছায় ।
শ্রেম-শ্রীতির গোপী-চন্দন ওকায়ে যায় ॥

দারা সূত প্রিয়জন, হরি হে নাহি চাই,
পদ্ম-পলাশ-আঁখি যদি দেখিতে পাই ।
রাখাল-রাজা এস, এস হে হৃদিকেশ,
গোকুলে লহ ডাকি' অকূলে ভাসি, হায় ॥

মোরে সেইরূপে দেখা দাও হে হরি ।
তুমি ব্রজের বালারে রাই কিশোরীরে
চুলাইলে যেই রূপ ধরি' ॥

হরি বাজায়ো বাঁশরী সেই সাথে,
যে বাঁশী শনিয়া ধেনু গোষ্ঠে যেত
উজান বহিত যমুনাতে ।
যে নূপুর শুনৈ ময়ূর নাচিত
এস হে সেই নূপুর পরি' ॥

নন্দ-যশোদা কোলে গোপাল
যে রূপে খেলিতে, ক্ষীর ননী খেতে,
এস সেই রূপে ব্রজ-দুলাল ।
যে পীত-বসনে কদম-তলায় নাচিত্তে
এস সে বাস পরি' ॥

কহসে বধিলে যে রূপে শ্যাম
কুরুক্লেদ্রে হইলে সারথি
এস সেইরূপে এ ধরাধাম ।
যে রূপে গাহিলে গীতা নারায়ণ,
এস সে বিরাট রূপ ধরি' ॥

হৃদয়-সরসী দুলালে পরশি' গত নিশি ।
নিশি-শেষে চাঁদ - পূর্ণিমা চাঁদ -
গেলে যিশি',
গত নিশি ॥

নয়ন মুদি' কুমুদী ঐ -
কাদে থ্রিয় কই,
পিউ কাহাঁ, পিউ কাহাঁ, পিউ কাহাঁ,
দশ দিশি ।
গত নিশি ॥

রাখ এ মিনতি ত্রিভুবন-পতি
তব পদে মতি (রাখ) ।
আঁখির আগে যেন সদা জাগে
তব ধ্রুব জ্যোতি ॥

সংসার মরু-মাঝে তুমি মেঘ-মায়া,
বিষাদ-শোক-তাপে তুমি তরু-ছায়া,
সাজনা-দাতা তুমি দুঃখ-ত্রাতা
অগতির গতি ॥

দোলে কালো নিশার কোলে
আলো-উষসী,
তিমির-ভলে তব তিলক জ্বলে
ঐ পূর্ণ শশী ।
ঝঞ্ঝার মাঝে তব বিখাণ বাজে,
সহসা চলি' পড়' ধনে ফুল-সাজে,
কোমলে কঠোর হে প্রভু বিরাজে
(তব) মহিমা শক্তি ॥

প্রণমি তোমায় বন-দেবতা ।
শাখে শনি তব ফুল-বারতা ॥

তোমার ময়ূর তোমার হরিণ
লীলা-সাথী রয় নিশিদিন,
বিলায় ছায়া বাণী-বিহীন
তরু শু লতা ॥

= THE END =

visit our huge collection @ banglainternet.com